

مرخصتک نظر دقتی جلب ایدہ رک او کوزل فرانسیز جہی فرانسیز دہ می
تخصیل ایتش اولدینی نعمت خاندن سرور متر. یونان مرخصی ایسہ،
حسد ایدہ رک جیل بک خطاباً : « کریمہ کز بوتون افکاری تسخیر
ایدیور . کلہ جک سفر بندہ کریمہ می برابر کتیرہ جلم . » دیش .
بوماجرانی بالذات جیل بکک ، غزتہ مخبرلرینہ افادہ ایتش اولدینی
سوزلردن آکلاپورز . جیل بک ماجرانی لسان مفخرتہ نقل و حکایہ
ایتش ایسہ ، بز یونان مرخصتک سوزلردن هیچ نمون قالمادق .
بومونیتسزلکک بالطبع شخصزلہ هیچ بر علاقہ سی یوقدر . آنجق
تورکاک نام و حسابنہ نمون اولمادق . یونان مرخصتک آغیر سوزلری
صورت ظاہرہ دہ جیل بکک شخصنہ طائد کورونیورسہ دہ حقیقتہ
تورک ملتہ طائددر . چونکہ جیل بک ، قونفرہ یہ شخصی نامنہ دکل ،
تورک ملتی نامنہ کیتش بولنیور . بر نمثلی تحقیر اونک تمثیل ایتدیکی
ملت ودولتی تحقیردر . آنک ایچون بر نمثلک تحقیر ایدلمہ سی بعضاً اعلان
حربی موجب اولور . حقوق دول مدرسی بولنان جیل بک بوجہقی
بزدن دہا آئی بیلیر .

یونان مرخصتک بر قونفرہ اعضای حضورندہ تورک ملتہ صاور
مش اولدینی جرکاب حتراتی کنڈیسنہ و یونان ملتہ اعادہ ایتہ دیکندن
طولای جیل بکی شایان مؤاخذہ بولبورز . و یونان مرخصتک سوزلردن کی
سوء مقصدی آکلاپہ مایارق جدی تلقی ایتہ سہ . و بوسوزلردن کرک
کندی و کرک کریمہ سی نعمت خاتم نامنہ بر حصہ مفخرتہ آیرمش
اولماسنہ حیرت ایتمکدن کندمنی آلہ میورز . « کریمہ کز بوتون افکاری
تسخیر ایدیور » دیدکان صوکرہ ، « کلہ جک سفر بندہ کریمہ می
برابر کتیرہ جکم » جملہ سنی علاوہ ایتش اولماسی مقصدینی واضحاً
کوسترمکدہ در . نعمت خاتمک موفقیتہ جدأ حسد ایدن بر کیمسہ ،
نہ تسخیرہ کلہ سنی تلفظ ایدر ، نہ دہ کنڈیسنہ دہ کریمہ سنی برابر کتیرہ جکفی
اعلان و افشایہ لزوم کورور . حقیقت حال بودرکہ یونان مرخصی
تورک ملتہ بک آغیر بر تہمتلہ اتہام ایتش و بک قبا بر لسان ایلہ تحقیرہ
بولنشدہر کاشکی جیل بک ، بعض خفیف مشرب اوروپالیرک سیاسیانہ
قادین قاریشدیرمق طادتلرینی تقلید ایتہ مش اولسہیدی .

سینہ مالرہ اورک آیانہ اولارہ مفیدرہ وارشمہ ا

دکزی قصہ سندن انشا ایدیلن سینہ ما بناسنک منع انشایی ایچون
مفتی بلدہ طرفندن چالیشلمش ایسہ دہ باشہ چیقامادیغنی ینہ استانبول
غزتلری یازمش و معتاد اولدینی و جملہ مفتی افندی بی جہل و تعصب ایلہ
توصیف و تشہیر ایلہ مشدی . بزدہ کی سینہ ما و تیارولرک اخلاقی افساد
ایتمکدن بشقہ برایشہ یارامادینی معلوم اولدینی جہتلہ سبیل الرشاد مفتی
افندی جدأ سینہ ما بناسنک انشاسنہ چالیشمش ایسہ وظیفہ وطنہ سنی

ایفا ایتش اولدینی سوبلہ مشدی . مکر کیفیت نہ بزم آکلاپیغمز ، نہ دہ
مطبوعات یومیہ نک آکلاپیغنی کی دکلش ! مفتی افندی « وقت » غزتہ سہ
کوندرمش اولدینی مکتوبدہ « بن سینہ ما بناسنک وقف قبرستان عرصہ سندنہ
انشاسنی منہ چالیشدم . یوقسا ، بشقہ بر مجلدہ انشاسنہ ممانعت دکل ،
مظاہرت ایتک ایستہ دم . حق اولک آفاق اولمق اوزرہ رسمی تشبثاندہ بیلہ
بولندم . بوحال و حرکتیم نہ نہ درجہ تجدد پرور اولدینی کوستریرہ
دیور .

سینہ ما بناسنک قبرستان عرصہ سندنہ انشاسنی منہ چالیشمہ سی مفتی
افندی نامنہ قید ایدیلجک بروظیفہ شناسلقدرد . قبرستانلرہ دنیانک
هر طرفندہ حرمت ایدیلیرکن ، بر مسلمان مملکتندہ قبرستانلرہ بودرکہ
حرمتسزلک کوسترلمہ سی هیچ بر ملتک عصری تلقیانہ اویمایان بزم عصری
تلقیاتمک بک مضر اولہرق تجلی ایدن نتیجہ لرندن بریدرہ . دائما معنویات
علینہ طغیان ایدن بزدہ کی عصر بکک جریانلرینک ، کسب سکونت و اعتدال
ایدنچہ قدار بویلہ نامعقول نتیجہ لر ویرہ جکی آکلاپیلیور . طاشقینلق
دورہ سنی بر آن اول کچیرمہ سہ انتظار ایتمکدن بشقہ بر چارہ یوقدر .
یالکز مفتی افندیکن ، سینہ مالرہ لہدار کورونمککله کنڈیسنی
تجدد پرور طاقیتاہ موفق اولہجفی امیدینی طاشیمہ سی بر صافدرونلق
علامتی اولسہ کرکدر . سینہ مالرہ لہدار کورونمکک تجدد پرور طاقیتاہ
کافی دکلدر . تجدد پرورلکک دہا بر چوق شرائط عصریہ سی واردہ .
مفتی افندی ، عجبا ، بو شرائطک ہبسنی کنڈیسندہ جمع ایدہ بیلہ جک
و تجدد پرور کورونمکک غیرتکشلکفی بودرکہ لہ قدار واردیرہ بیلہ جکمی ؟
بالفرض بونلری بایسہ بیلہ ینہ تجدد پرور طاقیتاسنہ بک کوتلی بر مانع
واردہ : کسوة علیہ !

بعضہ غزتلرک لہجورنہ اوغرایانہ بر راعظ

آقرہ مخبرینک ویرمش اولدینی معلومانہ کورہ ، بایرام کونی
آقرہ دہ حاجی بایرام ولی جامع شریفندہ وعظ ایدن برخواجہ افندی
انشای وعظہ بر طاقم مناسبتسز سوزلر سوبلہ مش . اورادہ حاضر بولنان
غازی پاشانک بو مناسبتسز سوزلردن جانی صیقیللمش . مخبر جامعندن
جیقدقدن صوکرہ ، دیگر برخواجہ افندیکن فکرینہ مراجعت ایتش .
خواجہ مومی الیہ دہ ، « بو وعظی دیکلہ نجہ خواجہ لرک بو مملکتہ قتالک
یابدقربنہ بندہ قانع اولدم . » دیش ! مخبر ، واعظ افندیکن مناسبتسز
سوزلردن یالکز بردانہ سنی ذکر ایدیور : « مبعوثلرہر آی اوچوز
لیرا معاش آلورلر ، ملتہ هیچ بر فائدہ لری طوقانیور . » دیش .
خواجہ لرک علینہ یازدینی متہای و متوالی یازیلر ایلہ بردورلو کسکین
حرارت و ہیجان ایدہ مہ بن بعض غزتلر بو حادثہ نی دہ عموم خواجہ لرک
کنیہ مسئولیتلرینہ قید ایتک غیرتہ دوشمش ! . خواجہ افندیکن